


Phra' kham dé' koon ngaak  
go' oor da'

# Bwng thrni' swng dé' Phra' Yésu



Gôn kooc: Edward Hughes

Gôn tèng hruup: Byron Unger; Lazarus  
Alastair Paterson

Gôn koon: E. Frischbutter and Sarah S.

Gôn tèng hrlo': [www.Christian-translation.com](http://www.Christian-translation.com)

Gaay caak: Bible for Children  
[www.M1914.org](http://www.M1914.org)


©2022 Bible for Children, Inc.

Sit: Mé ah sit kooc uun lwang gi, 'nay mé am ah sit téc no.

Phra' Yésu go' tèng maak thrni' swng. Bwng thrni' swng mook guñ Phra' Yésu grop meh Koon dé' Phra' Cav. Thrni' swng tang ngwan da' môôy mah srya'. Môôy nèèv go' yar khwan. Am ah buuc yo' lôôc jwm gôn.




Ba Maria, ma' dé' Phra' Yésu, go' mook Ge neeng nèèv gi, lèèv go' lav bwwng gôn rapsay méc krloh srô' dé' Phra' Yésu.



3

"Yoh dwang ôm yoh séh da' day hmpuur gi", Phra' Yésu go' lav. "Ôm?" no go' maañ. Grop, Phra' Yésu go' hrlo' khro ôm.




4

Hôc, Phra' Yésu hrlo' khro môôy gôn rapsay hyua wak da' môôy hmpuur kdwang kap tang cavnaay mah srya' go' hyua wak. Ôm 'nay kh'ni' meh buuc! Buuc le'! Buuc le' tkbôk rôk krséér!



5

Bwwng gôn rapsay go' oor yo' viir. Phra' Yésu go' loong lwam ôm keet meh buuc. Lwng ah Phra' Cav tèèng bwwng thrni' swng hmwan dôk gni'.




6

Phra' Yésu tèèng bwwng thrni' swng gbang. Môôy pswam, Ge kap bwwng luuksit yoh guut kluang gaang dé' Pétrô. Ma' kmbra' dé' Pétrô srma' héng.




7

Phra' Yésu yoh dwn léh gôn cu' gni' hôc ge go' kmsang an sngcu' ni' du' caak loh dé' na. Srma' gni' go' le' c'êêt. Hôc c'man gni' na go' reh dwn, lè' yoh rapsay Phra' Yésu broom pa' yo' dé' ge.



8

Root ñaam matbri' tng-réng léh ci guut. Gaang gme' ah gôn cu' gôn vaar ah rôôk ah phñaat, no go' oor yoh - gôn mat lwk, gôn sluut, gôn srô' am bay hluh, gôn plia gôn looy. Bwng gôn ah hrôôy hnoong blwar da' no go' yoh Phra' Yésu. Ge jooy khooy bwan maak gôn bo'?



9

Phra' Yésu, Koon dé' Phra' Cav, Ge jooy khooy bwan. Phra' Yésu go' jooy khooy. Lôôc jwm gôn yoh Ge bwan srunwm. Bwng gôn plia gôn looy go' srlaay bwan.



10

Bwng gôn gbang yoh, bwng gôn ah huar ah h'éép lih pa' loh.



11

No go' le' go' sèng mwa Phra' Yésu srunwm yo' no.




12

Cmbro' gôn kap cmkwn baang gôn ah hngvaay thuk hrñwam yoor sah hrôôy go' reh dwn Phra' Yésu. Ge go' srông hrôôy hlian nook no. Mwa nhũng hrôôy méc krloh srô', bwng gôn hnoong ngo' 'nay kh'ni' dé go' khrayh nêem.



13

Ñaam gni' ah puul gôn oor yo' dé tlyông gôn plia looy môôy gôn gaay root hni', hôôc no sèl ci tlyông gôn plia gni' guut plah da' t-hna mat dé' Phra' Yésu. 'Nay am ah 'moon ci guut coro yoor swng ah gôn gw'. No ci tèèng hmeh?



14

No tang ga da' jông hôc rw  
phraang gaang an ah hntu', lè'  
tmluuy gôn plia looy gni'  
broom pa' grwam sih dé'  
ge pjuur da' ling gw'  
gôn t-hna mat  
Phra' Yésu.




15

Mwa Phra' Yésu guñ no ah hrlo' swa nèèv ni' ge  
go' lav yo' gôn plia gni' sah,  
"Yè' eey! 'Maap dé' mé  
bwan jeh pic lèèv. Ô' an  
mé reh dwn hôc  
kdoon grwam sih dé'  
mé gaay da' gaang  
cem". Da' c'man gni'  
gôn plia go' reh dwn  
da' t-hna no gw'  
gôn, hôc rw grwam  
sih yo' dé geey sih  
gni' ñaang gaay da'  
gaang broom. Phra'  
Yésu go' srnwm ge.




16

Yat yoh ah môôy mw, Phra' Yésu go' guut cloong  
broom luuksit dé' ge. Hôc ah  
hngkuur hndreey rèèng gaay  
huur cdwp ôm thlé, klba guut  
kluang cloong léh ci kiñ cam  
no ngo' ci haan. Phra' Yésu  
go' sih looc. Bwng luuksit  
tang gaay phreh Ge,  
"Acaan eey, Acaan eey!  
Khro an jooy khooy  
i' ", no go' lav.  
"I' léh ci  
haan hnlép  
ôm lèèv khi!"




17

"Yoh thrni' léét," Phra' Yésu go' pndrèh reh hôc  
haam hndreey hngkuur, haam ôm klba an léét rngat.  
Da' c'man gni' hndreey kap ôm klba go' rngat laac  
yoh. "Ge gôn gi meh me'?"  
Bwng luuksit dé' ge oor yo'  
dé ngo' lè' viir hôc lav.  
Pa' hndreey pa' ôm  
go' ñoom hmñèng Ge.



18

No dwm Phra' Yésu meh Koon dé' Phra' Cav yoor sah  
bwng thrni' swng mook guñ sit lè' amnaat dé' Ge.  
Bwng luuksit am neeng nèèv gni', 'nay no ci guñ  
Phra' Yésu tèèng bwng thrni' swng le'  
lwnn da' ñaam thi Ge rapsay  
Phra' Cav da' Koon Mnut.



19

Bwng thrni' swng dé' Phra' Yésu  
Môôy lwang gaay caak Krloh srô' dé' Phra' Cav,  
Phra' kham

bwan guñ yat da'

Matthaay 8-9 Mark 1-2, 4  
Luka 4, 8 Yôhan 2

"Ngor dé' Krloh srô' go' oor da' sèèng trbah."  
Phra' kham 119:130

20

Da' knswt

40

60

21

Lwang Phra' kham gi mook í neeng ñiak Phra' Cav hnam jông,  
Ge keet í kap meh Ge cu' an mé neeng ñiak Ge.

Phra' Cav neeng í tềng bwwng lwang sua, Ge lav meh 'maap.  
Bwp thôt yo' 'maap meh haan, 'nay Phra' Cav yo' ô' rak mé  
maak Ge go' srông koon cmbro' knmôôy gôn dé' Ge, Phra' Yésu,  
haan da' s'oong klnèng kap bwp thôt yo' 'maap dé' mé. Hôôc  
Phra' Yésu reh caak haan kap na go' vér gaay svan 'moon le'  
'moon sm'maay! An mé dwwm Phra' Yésu kap khro an Ge hrlo'  
klwyh hrlo' 'maap, Ge ci tềng lwang thrgi! Ge ci go' yoh da'  
kap yat broom mé gay kap mé ci yat broom Ge am laac yoh  
'môôy bat.

An mé dwwm gi meh srme', yoh maañ Phra' Cav sah:  
Naay eey!, Ô' dwwm Ge meh Phra' Cav, kap ci meh gôn haan  
yoor sah 'maap dé' ô', kap 'nay kh'ni' Ge reh caak haan. Khro  
an Ge yoh da' blah ô' kap hrlo' klwyh hrlo' 'maap dé' ô', lèèv ô'  
ah jua hmmé', kap môôy mw hmeh ci bwan yat broom Ge am  
laac yoh 'môôy bat. Khro an Ge tềng hmeh yo' ô' méc krloh  
srô' dé' Ge kap blwar yoor sah Ge meh koon dé' Ge. Amen.

Aan Phra' kham kap maañ Phra' Cav jwmmw! Yôhan 3:16

22